

ԿՐԹԱԿԱՆ



## ՓՈԽՎԵԼ ԵՆ ԱՌԱՋԻՆ ԴԱՍԱՐԱՆՅԻՆԵՐԻ ԳՐԱՆՅՄԱՆ ԺԱՄԿԵՏՆԵՐԸ

**Վրաստանի հանրակրթական հաստատություններում փոխվել են առաջին դասարան գրանցվելու և դպրոց ընդունվելու համար անհրաժեշտ փաստաթղթերի ներկայացման ժամկետները: Տեղեկությունը տարածում է Վրաստանի կրթության և գիտության նախարարությունը:**

Գերատեսչության տվյալներով, գրանցման առաջին փուլում Վրաստանի կրթության և գիտության նախարարության ու խորհրդարանի կրթության և գիտության հանձնաժողովի համատեղ որոշմամբ, փոփոխություն է կատարվել «Հանրակրթության մասին» օրենքում տարրական դասարանում ուսուցումն սկսելու տարիքի վերաբերյալ:

Հաշվի առնելով այս փոփոխությունը՝ 2022-2023 ուսումնական տարում սեպտեմբերի 16-ից հոկտեմբերի 1-ը վեց տարին լրացած երեխաների համար լրացուցիչ գրանցում պետք է կատարվի:

Ելնելով վերոնշյալից՝ Վրաստանի կրթության և գիտության նախարարի՝ 2022 թվականի մարտի 4-ի N221866 հրամանի համաձայն, առաջին դասարանցիների գրանցման և դպրոց ընդունվելու համար անհրաժեշտ փաստաթղթերի ներկայացման ժամկետները սահմանվել են հետևյալ կերպ.

**I փուլը** կիրականացվի 2022 թվականի ապրիլի 20-28-ը: Այս ընթացքում դպրոցներում լրացուցիչ հաշվառում կտրամադրվի կրթության առանձնահատուկ պայմանների կարիք ունեցող երեխաներին, ովքեր չեն կարողացել դպրոց ընդունվել գրանցման առաջին փուլի համար ի սկզբանե սահմանված ժամկետներում:

Առաջին փուլում գրանցվող երեխաների ծնողները պետք է դիմեն նախընտրած հանրակրթական դպրոց: Դպրոցի տնօրինությունը երեխային կգրանցի Կրթության կառավարման տեղեկատվական համակարգում (EMIS): Կրթության առանձնահատուկ կարիքը հաստատելու համար, ծնողը դպրոցում լրացնում է համապատասխան դիմում-հայտը, որից հետո երեխան գնահատվում է բազմամասնագիտական թիմի կողմից, եւ որոշվում է նրա կրթական կարիքը: Կրթության առանձնահատուկ անհրաժեշտության հաստատման դեպքում, դպրոցն ապահովում է աշակերտի ընդգրկումը համապատասխան փաստաթղթերի հիման վրա: Առաջին փուլում գրանցված երեխաների ծնողները 2022 թվականի ապրիլի 29-ից մինչև մայիսի 6-ը կկարողանան փաստաթղթերը ներկայացնել դպրոցներ: Կրթության հատուկ կարիք ունեցող երեխաների ծնողները հետագայում կկարողանան գրանցել իրենց երեխաներին:

**II փուլ.** Երկրորդ փուլում գրանցվելը հնարավոր կլինի մայիսի 10-20-ը, եւ դպրոցում կգրանցվեն այն երեխաները, որոնց

- ա) քույր-եղբայրները սովորում են նույն դպրոցում,
- բ) ծնողը/խնամակալը տվյալ հանրակրթական դպրոցի աշակերտն է:

ցի աշխատող է,

գ) ընտանիքի երկու եւ ավելի երեխաներ միաժամանակ հաճախելու են առաջին դասարան:

Այս փուլում գրանցումը հիմնված է ծնողի/օրինական խնամակալի կողմից հանրակրթական դպրոցներում ընդունվելու համար անհրաժեշտ փաստաթղթերի ներկայացման վրա: Գրանցումն ապահովում է հանրակրթական դպրոցը: Նշենք, որ երկրորդ փուլում հաշվառված երեխաների ծնողները պետք է համապատասխան փաստաթղթեր ներկայացնեն դպրոցներում հաշվառման համար սահմանված ժամկետներում:

**III փուլ.** Համընդհանուր գրանցումը կմեկնարկի 2022 թվականի մայիսի 24-ին եւ կտևի մինչև հունիսի 15-ը: Գրանցումը կկատարվի Կրթության կառավարման տեղեկատվական համակարգի՝ register.emis.ge պաշտոնական կայքում: Գրանցումը տրամադրվում է ծնողի/օրինական խնամակալի կողմից:

Էլեկտրոնային եղանակով գրանցվող աշակերտի գրանցվելու համար անհրաժեշտ փաստաթղթերը կներկայացվեն 2022 թվականի հունիսի 16-ից մինչև հունիսի 30-ը: Փաստաթղթերը սահմանված ժամկետում չներկայացնելու դեպքում, գրանցումն ավտոմատ կերպով կչեղարկվի:

**IV փուլ.** Դպրոցներում կիրականացվի 2022 թվականի հուլիսի 4-12-ը: Այն երեխաները, ովքեր չեն գրանցվել I, II եւ III փուլերում կամ ովքեր ցանկանում են փոխել իրենց գրանցումը, կգրանցվեն այս փուլում թափուր կամ ազատված տեղերի համար:

Զորորդ փուլում սովորողի գրանցումն ապահովում է հանրակրթական դպրոցը՝ ծնողի/օրինական ներկայացուցչի կողմից ներկայացված անհրաժեշտ փաստաթղթերի հիման վրա:

**Առաջին դասարան ընդունվելու փաստաթղթերը.**

«Աշակերտի օրինական ներկայացուցչի դիմումը, որը պետք է ներառի օրինական ներկայացուցչի բնակության վայրի եւ հեռախոսահամարի մասին տեղեկատվություն, աշակերտի ծնողյան վկայականի կամ անձը հաստատող փաստաթղթի պատճենը եւ Վրաստանում կացության թույլտվության պատճենը»,- ասվում է կրթության եւ գիտության նախարարության հաղորդագրության մեջ:

Վրաստանի կրթության եւ գիտության նախարարությունը կոչ է անում ծնողներին՝ ուշադիր ծանոթանալ գրանցման ժամկետներին ու պայմաններին, որպեսզի իրենց երեխան կարողանա ժամանակին եւ անխափան տեղ գրանցվի:

Պատրաստեց **ՄԻԿԻԿ ՄԱՆՈՒԿՅԱՆԸ** նա 15 000

## ՇՐՋԱՆԱՎԱՐՏՆԵՐԻ ՎԵՐՋԻՆ ԶԱՆԳԸ՝ ՄԱՅԻՍԻ 20-ԻՆ

**Վրաստանի կրթության եւ գիտության նախարարության հայտարարությամբ, այս տարի Վրաստանում 12-րդ դասարանցիները դպրոցը կավարտեն մայիսի 20-ին:**



Ինչ վերաբերում է առաջին դասարանցիներին, ապա նրանց ուսումնական տարին կավարտվի մայիսի 27-ին, իսկ մյուս դասարանների աշակերտներինը՝ հունիսի 15-ին:

Բոլոր աշակերտները առաջին կիսամյակում հա-

ճախել են ընդհանուր հաշվով 74 օր, իսկ երկրորդ կիսամյակում՝ 12-րդ դասարանցիները կհաճախեն 79, առաջին դասարանցիները՝ 83, իսկ մնացած դասարանների աշակերտները՝ 96 օր:

## ՍԿՍՎԵԼ Է ՌԻՍՈՒՑԻԶՆԵՐԻ ՄՐՑՈՒՅԹԻ ՀԱՅՏԵՐԻ ԸՆԴՈՒՆՈՒՄԸ

**Ապրիլի 4-ից սկսվել է Վրաստանում ուսուցիչների ամենամյա մրցանակի հայտերի ընդունումը: Հայտերի ներկայացումը հնարավոր կլինի մինչև մայիսի 18-ը, [www.tprize.ge](http://www.tprize.ge) կայքի միջոցով:**

Վրաստանի Կրթության կոալիցիայի խորհրդի նախագահ Իրինա Խանթաձեի խոսքով, այս տարվա մրցույթը կնվիրվի ուկրաինացի կոլեգաներին:

Մրցույթի նպատակն է՝ եւս մեկ անգամ ցույց տալ, որ պատերազմական ամենալինի իրավիճակում շատ կարեւոր է դպրոցի եւ ուսուցչի դերը ժողովրդավարական պետություն ունենալու համար:

Այս տարի ուսուցչի ազգային մրցանակային ֆոնդն ավելացել է: 2022 թվականի հաղթող ուսուցիչը «Գուդա-վածե-Պատարկացի» կոալիցիայի հիմնադրամի կողմից կստանա 15 000

լարի, իսկ «Լիբերթի» բանկը յուրաքանչյուր եզրափակիչ փուլ անցած ուսուցչի կպարգևատրի 5000 լարով:

Մրցույթի գլխավոր հովանավորներն են «Գուդա-վածե-Պատարկացի» կոալիցիան, ինչպես նաեւ «Լիբերթի» բանկը: Աջակցում են կրթության եւ գիտության նախարարությունը, Ուսուցիչների մասնագիտական զարգացման ազգային կենտրոնը, Իլիայի պետական համալսարանը, EPAM Վրաստանը, Խորհրդատվական եւ վերապատրաստման կենտրոնը (cec), Վրաստանի Առաջին ալիքը եւ «Մավերիկ» ընկերությունը (Digital Creative Agency):

## ԵՍ ՍՈՎՈՐՈՒՄ ԵՄ ԻՄ ԵՐԱՋԱԾ ԲՈՒՋՈՒՄ

# ԱՅՆՏԵՂ, ՈՒՐ ԹՈՒՐԸ ԶԻ ԿՏՐԻ, ԲԱՐԻ ԽՈՍՔԸ ԿՅԱՂԹԻ

**Կյանքի բնականոն դիմի ապահովման ծգտումը Վրաստանի ազգային փոքրամասնություններին մղում է ավելի խորը ընկալել պետական լեզվի իմացության կարևորությունը ու դրա առավելությունը: Այդ մղումը գնալով ամրանում է, եւ առանձնապես ուրախվել է, որ այն նկատվում է երիտասարդության համոզմունքներում:**

**Մեր գրուցակիցն է Թեմիլիսի Իվանե Ջավախիշվիլու համալսարանի համակարգչային գիտություն ֆակուլտետի երկրորդ կուրսի ուսանող Դավիթ Թանյանը:**

Սկսենք նրանից, որ Թանյանների գերդաստանը Վրաստանի Մառնեուլիի մունիցիպալիտետի հինավուրց Շահումյան ավանի բնիկներին է: Շահումյանում են ծնվել ընտանիքի ներկայիս երկրորդ պապ ու տատերը, նրանց զավակները եւ Դավիթ թող: Իմիջիայլոց, Դավիթն այն եզակի թոռներից է, ով, պապ ու տատի եւ գյուղի ավելի տարեցների հետ գրուցներից քաղված տեղեկությունների արդյունքում, կազմել է իրենց գերդաստանի տոհմածառը, որն ի դեպ ներառում է շուրջ յոթ սերունդ:

Պարզ է, թե ինչն է երիտասարդին դրդել այդ քայլին...

Մեր ու պատկառանքը նախնիների ու արմատների հանդեպ հավաստում է նաեւ մի այլ խոստում փաստ: Լինելով Շահումյանի թիվ 2 ռուսական դպրոցի շրջանավարտ՝ Դավիթը լիարժեք տիրապետում է իր մայրենի հայերենին: Եվ տիրապետում էր սոսկ գրագետ գրել-կարդալը, խոսելը չէ: Նա կապված է ազգային մշակույթին եւ սիրով ու հետաքրքրությամբ ընթերցում է հայ դասականներին՝ առանց որեւէ դժվարության հասկանալով կարդացածը:

Իսկ վրացերենին տիրապետելու անհ-

րաժեշտության գիտակցումը Դավիթի կյանքում կապված է մի հետաքրքիր նախապատմության հետ:

- Երբ 2008թ.-ին Շահումյանի մեր թիվ 2 ռուսական դպրոցին միացավ վրացական դպրոցը,- պատմում է Դավիթը,- տղաները՝ մերոնք եւ նորեկները, կոիվներ էին սարքում: Լեզվին լավ չտիրապետելու պատճառով, դասամիջոցներին մորեկների հետ անսպասելի վեճեր էին սկսվում:

Կոիվների պատճառը թյուրիմացություններն էին. նրանց դիտողը կզգար, որ ստեղծված խառնաշփոթը իրականում իրար չհասկանալուց է, նրանց վրացերեն, մեր ռուս-հայերեն «բացատրություններից» ...



Եւ, ինչպես ասում են, գործի անցա: Ասեմ, որ դա ինձ համար առանձնակի խնդիր չէր, որովհետեւ մայրս՝ Թագուհի Թանյանը, մեր դպրոցի վրաց լեզվի ու գրականության ուսուցչուհին է. ափսոսում են, որ

ավելի վաղ չէի մտածել այդ ուղղությամբ: Իհարկե, շատ օգնեց վրաց շրջապատը, ամենօրյա շփումները ընկերներիս հետ, ամռանը՝ ճամբար գնալը:

Այսօր ես աշխարհում հայտնի վրացական բուհի ուսանող եմ, ուսման պրոցեսն ինձ համար անցնում է հարթ, առանց որեւէ դժվարության՝ կապված վրացերենով բացատրվելու կամ դասախոսությունների ընկալման հարցերի հետ: Ավելին, սովորում եմ անվճար, 100 տոկոսանոց դրամաշնորհ ունեմ: Խոսում եմ անկաշկանդ, համոզված եմ, որ գնալով իմացածս կխորացնեմ ու կկատարելագործեմ: Լեզվական խնդիր չունենալու շնորհիվ վարում եմ սեփական ինտերնետ էջ: Իդեալ, ունեմ այդ էջի հետ կապված սեփական ծրագրեր, ինչը, կարծում եմ, կօգնի՝ բուհն ավարտելուց հետո լավ աշխատանք գտնել: Ծրագրերս, ինչպես ասում եմ, շատ են. առաջնագծում նախ համալսարանն ավարտելն է, հետո՝ մնացածը, այդ թվում՝ եւ ընտանիք կազմելը:

Ուզում եմ կյանքիս ընկերուհին լինի անհատականություն...

Եվ վերջում ավելացրեց.

- Ուրախ եմ, որ, մեր սիրելի «Վրաստան» թերթի շնորհիվ, ինձ առիթ ընձեռվեց շնորհակալություն հայտնել «1+4» կրթական նախագծի հեղինակներին: Շնորհիվ այդ նախագծի է, որ ես վստահ եմ նախում իմ ապագային...

ՃՈՒԼԻԵՏԱ ԲԱՆԱԼՅԱՆ



COVID - 19

### ՎՐԱՍՏԱՆՈՒ ՄԵՐ COVID-19-Ի ԻՐԱՎԻՃԱԿԸ ԲԱՐԵՆԱՎՈՒՄ Է, ԹԵՎ ԴԱՇՏՊԱՆԻՉ ԴԻՄԱԿՆԵՐ ԿՐԵԼԸ ՄՆՈՒՄ Է ԴԱՐՏԱԴԻՐ



Նավիդինի «Օմիկրոն» շտամի տարածման վեցե-

Վրաստանի հիվանդությունների վերահսկման ազգային կենտրոնի ղեկավար Ամիրան Գամդրելիձեի հայտարարությամբ, Վրաստանում համավարակային իրավիճակում նկատվում է դրական դինամիկա, նվազել են ինչպես վարակման, այնպես էլ՝ մահացության դեպքերը:

Ընթացիկ տարվա հունվար-փետրվար ամիսներին Վրաստանում անցավ կորոնավիրուսի «Օմիկրոն» շտամի տարածման վեցե-

րորդ ալիքը: Վարակումների թիվը կտրուկ աճեց, ապա աստիճանաբար գրանցվեց դրա անկումը: - Վերջին երկու շաբաթվա ընթացքում, չնայած պատվաստման շատ ցածր տեմպերին, Վրաստանում կորոնավիրուսից մահացության դեպքերը նվազագույնն են,- հայտարարեց Ամիրան Գամդրելիձեն:

### ԿՈՐՈՆԱՎԻՐՈՒՄԻ ԴԵՄ ՉՈՐՐՈՐԴ ԴԵՂԱԶՎՓԸ՝ 50 ԵՎ ԱՎԵԼԻ ՏԱՐԻՔԻ ՈՒ ՔՐՈՆԻԿԱԿԱՆ ՀԻՎԱՆԴՈՒԹՅՈՒՆՆԵՐ ՈՒՆԵՑՈՂՆԵՐԻ ՀԱՄԱՐ

Վրաստանի առողջապահության փոխնախարար Թամար Գաբունիայի խոսքով, Վրաստանում արդեն մոտ 4000 մարդ ստացել է կորոնավիրուսի դեմ պատվաստանյութի լրացուցիչ՝ չորրորդ չափաբաժինը:

Նշենք, որ Վրաստանի Ինդուստրիալիզացիայի նախարարի օգնության խորհուրդը որոշում էր կայացրել 50-ն անց քաղաքացիներին պատվաստել կորոնավիրուսի դեմ պատվաստանյութի չորրորդ դեղաչափով, այսինքն՝ երկրորդ խթանից դուրսից:

- Քրոնիկական հիվանդություններ ունեցող 12 տարեկանից բարձր տարիքի քաղաքացիները մույնպես կարող են ընդունել կորոնավիրուսի դեմ պատվաստանյութի չորրորդ չափաբա-

ժինը,- նշեց Թամար Գաբունիան:

Վերջին տվյալներով, Վրաստանում ընդհանուր առմամբ իրականացվել է 2 մլն 877 հազար 150 պատվաստում, որից 2 դեղաչափով պատվաստվել է 1 մլն 262 հազար 481, իսկ խթանից դեղաչափով՝ 246 341 մարդ:



Խորագիրը պատրաստեց ԱՐԵՎԻԿԱ ՄԱՆՈՒԿՅԱՆԸ

### ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ԳԵՐԱԶԱՆՅԵՑ 512 ՄԻԼԻՈՆԸ

COVID-19-ի հաստատված դեպքերի թիվը աշխարհում հասել է 512 299 256-ի: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 6 256 823-ը: Ապաքինվել է 466 152 753 մարդ:



Վարակվածների թվով աշխարհում առաջին տեղում ԱՄՆ-ն է, որտեղ հաստատվել է 82 954 768 դեպք: Այստեղ մահացածների թիվը 1 020 159 է, երկրորդ տեղում Չինաստանն է, որտեղ հաստատված դեպքերի թիվը հասել է 43 072 486-ի, մահացածներից՝ 523 753-ի:

Վարակվածների թվով հաջորդ տեղում Բրազիլիան է: Այստեղ վարակվել է 30 418 920, մահացել՝ 663 289 մարդ: Ֆրանսիայում կորոնավիրուսով վարակվել է 28 542 884, վարակի հետեւանքով մահացել՝ 145 711 մարդ: Ֆրանսիային հաջորդում են Գերմանիան, Մեծ Բրիտանիան, Ռուսաստանը, Չեխիան, Իտալիան ու Թուրքիան:

Հայաստանում, ընդհանուր առմամբ, վարակվածների թիվը հասնում է 422 865-ի, մահացածներից՝ 8 622-ի, ապաքինված-

ներից՝ 411 038-ի:

Աղբյուրներում վարակվածների թիվը 792 521 է: Վարակից մահացել է 9 707, ապաքինվել՝ 782 675 մարդ:

Վրաստանում, ապրիլի 29-ի դրությամբ, ողջ համավարակի ընթացքում վարակվել է 1 654 945, մահացել՝ 16 807, ապաքինվել՝ 1 636 800 մարդ:

Ապրիլի 29-ին, կորոնավիրուսով վարակման 148 մոր դեպքերից 72-ը թրիխիում է, Աջափայտում 5, Իմերեթիում 27, Քվեմո Քարթլիում 8, Շիդա Քարթլիում 4, Գուրիայում 8, Սամեգրելո-Ջեմո Սվանթիում 7, Կախեթիում 11, Սցխեթա-Մթիանեթիում 3, Ռաճա-Լեչխումիում եւ Քվեմո Սվանթիում 0, Սամցխե-Ջավախեթիում 3:

Ապրիլի 29-ի տվյալներով, մահացել է 2 մարդ:

ՆՈՐ ԳԻՐՔ

### «ԵՐԵՄԻԱ. ԼՍԵ՛Ք ԶԱՅՆԸ»՝ ՄԵՐ ՀԱՄԵՐԿՐԱՅԻՆԵՐ ԳՐԻԳՈՐ ՄՈՎՍԻՍՅԱՆԻ ՄԵԿԵՆԱՍՈՒԹՅԱՐ ԵՎ ՄԱՅԻՍ ՄՆԻԹԱՐՅԱՆԻ ԶԵՎԱՊՈՐՄԱՐ



Երեւանի «Հոլիդեյ ԻՆՆ Երեւան» հյուրանոցում տեղի է ունեցել ավստրիացի հռչակավոր գրող, «Մուսա լեռան 40 օրը» վեպի հեղինակ Ֆրանց Վերֆելի (1890-1945) «Երեմիա. Լսե՛ք Ձայնը» գրքի հայերեն թարգմանության շնորհանդես ու գրքի ծեսավորման համար օգտագործված գրաֆիկական աշխատանքների ցուցահանդեսը:

Ը ն - թերցո- լիցն հայտնենք, որ գիրքը լույս է տեսել նորերս Երեւանում, արմատներով Նինոծմինդայի մունիցիպալիտետի Գոմբուրա գյուղից Գրիգոր Մովսիսյանի ու նրա տիկին Նաիրա Կարապետյանի մեկենասությամբ եւ թրիխիցի, այժմ՝ երեւանաբնակ, անվանի նկարիչ Մայիս Մնիթարյանի պատկերազարդումներով:

Վերֆելի այս հանրաճանաչ ստեղծագործությունը գերմաներենից հայերեն է թարգմանել Ուրուգվայի Հայոց թեմի առաջնորդ, գերաշնորհ Հակոբ արքեպիսկոպոս Գլնճյանը: Սա, հիրավի, այն դեպքն է, երբ փառահեղ գիրքը հանդիպել է իր խորագետ թարգմանչին՝ ոսկեդեմիկ հայերեն իր ողջ համանվագի մեջ հնչեցնողին ու փայլուն պատկերազարդողին:

Օրինության իր խոսքում Մայր Աթոռ Սուրբ Էջմիածնի Եկեղեցական հայեցակարգային հարցերի գրասենյակի տնօրեն Վազգեն Եպիսկոպոս Միրզախանյանը, խոսելով այս արժեքավոր հրատարակության մասին, հստակ նկատել տվեց Ֆրանց Վերֆելի ծեռամբ ու երեմիա մարգարեի շուրթերով գրքի գլխավոր պատգամը՝ ազգային ծեսերի եւ ավանդությունների հետ մեկտեղ

Շնորհանդեսին ներկա էին Հայաստանի եւ արտերկրից ժամանած մտավորականներ, արվեստագետներ, հոգեւոր ու աշխարհիկ ներկայացուցիչներ: Հյուրերի թվում էին Վրաստանից ժամանած Թրիխիի Պետրոս Ադամյանի անվան պետհայդրամայի թատրոնի տնօրեն Լուիզա Խաչատուրովան, թատրոնի գեղարվեստական ղեկավար Արմեն Բայանդուրյանը, «Վրաստան» թերթի գլխավոր խմբագիր Վան Բայբուրյանը:

ԱՆՆԱ ՍԱՐԻԲԵԿՅԱՆ

ԳՆԱՀԱՏԱՐ

### ՎՐԱՍՏԱՆԻ ՌՈՒՍԱԼԵԶՈՒ ԼՐԱԳՐՈՒԹՅՈՒՆԸ ՆՇԵՑ ԵՌԱԿԻ ՀՈՒՐԵԼՅԱՆ

Վրաստանի ռուսալեզու գրականագետների Պուշկինյան «Արիոն» ընկերությունն օրերս նշեց իր կազմավորման 30-ամյա, Վրաստանի ռուսալեզու լրագրողների Ասոցիացիայի նախագահ, ազգային փոքրամասնությունների ղեկավարների խորհրդի համակարգող, «Բազմազգ Վրաստան» թերթի եւ «Բառապատկեր» գրական ժողովածուի խմբագիր, Վրաստանի վաստակավոր լրագրող Միքայել Այդինովի ծննդյան եւ վերոնշյալ ժողովածուի 35-րդ համարի լույսընծայման հոբելյանները:

Տոնական երեկոյի մեկնարկին շնորհավորական խոսքով հանդես եկան Վրաստանի գրողների միության քարտուղար Սեդա Խեթագուրին, Թրիխիի սակրեբուլոյի ազգային փոքրամասնությունների խորհրդի ղեկավար Ռիտա Խիդիրբեգաշվիլին, ՏՎ-24-ի տնօրեն Բադրի Նաճեթբեկան, Սուխումիի համալսարանի պրոռեկտոր Ինդիրա Չապանիան, Սուրբ Ալեքսանդր Նեսկու եկեղեցու վանահայր Վադիմ Ալեքսանդրովը, «Վեչերնի Տրիխի» եւ «Վրաստան» թերթերի գլխավոր խմբագիրներ Վադիմ Անաստասիադին եւ Վան Բայբուրյանը, «Նադեժդա» միության նախագահ Իրինա Սվարչուկը, Բելառուսի դեսպանատան խորհրդական Ելենա Մալինովսկայան: Միքայել Այդինովին շնորհակալական խոսքեր ասվեցին «Արիոն» բարգավաճման, վրացարդի գրականության նմուշները ռուսերենով թարգմանություններին աջակցելու համար: Նշենք, որ մի քանի գրքերի հեղինակ Մի-



քայել Այդինովը որպես լրագրող, իրեն հիանալի ներկայացրել է գրական-հրապարակախոսական տարբեր ժանրերում: 15 տարի նա միջազգային երիտասարդական «Թրիխի» ինստիտուտի ժուռնալիստիկայի ֆակուլտետի ղեկավարն էր, ներկայումս դասախոսություններ է կարդում հրեական համալսարանում եւ լրագրողական վարպետության դասընթացներ վարում Վրաստանի ռուսալեզու լրագրողների ասոցիացիային առընթեր գործող հաստատությունում:

«Վրաստան» թերթը շնորհավորում է Միքայել Այդինովին ծննդյան հոբելյանի, ինչպես նաեւ նրա նախաձեռնությամբ ու ակտիվ մասնակցությամբ գործող «Արիոն» գրական միավորման եւ «Բառապատկեր» գրական ժողովածուի հոբելյանական տարեդարձերի առիթով, մաղթում քաջառողջություն, ստեղծագործական նորանոր հաջողություններ:

### ՄԱՐԻԱՆՆԱ ԿԻՐԱԿՈՋՈՎԱՅԻ ՌՈՍԱՆՈՂՆԵՐԸ ՀԱՆԴԵՍ ԵՆ ԳԱԼԻՍ ՀԱՄԵՐԳՆԵՐՈՎ

Թրիխիի պետական կոնսերվատորիայում, ինչպես երաժշտական մյուս հաստատություններում, ուսումնական տարվա եզրափակումը նշանավորվում է հաշվետու համերգներով:

Ուսումնական հաստատությունների պրոֆեսորներն ու դասախոսները հանրության դատին են ներկայացնում ուսումնական տարվա ընթացքում իրենց դասընթացն անցած երիտասարդ երաժիշտներին: Նման մանկավարժներից է կոնսերվատորիայի շրջանավարտ, ջութակահա-

րուհի Մարիաննա Կիրակոզովան:

Դեռ վերջերս Մարիաննա Կիրակոզովան մասնակցում էր պրոֆեսոր Նանա Լեսելիձեի դասական համերգային ծրագրին: Հաջորդ համերգը, որը Մարիաննայի համար մեծահամերգային դարձավ, ԱՄՆ-ից ժամանած պրոֆեսոր Նա-

նա Բաքրաձեի համերգն էր: Կոմպոզիտոր Դաանիսի դաշնամուրային քառյակում Մարիաննային՝ որպես առաջին ջութակ, նվագակցում էին ուսանողներ Լիաննա Խնիադաշվիլին, Եթերի Դոլիձեն, Աննա Անթելավան, Մալվինա Իսմայիլովան:

Հաջողություններ մաղթենք Մարիաննա Կիրակոզովային ու նրա գործընկերներին:

ԻՐԱՎԻ ԶԻՆՑԱԶԵ Կոմպոզիտոր



# ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆԴՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԱԶՊՐԵՍԻ ՆՅՈՒԹԵՐՈՎ

## ՀԱՐԳԱՆՔԻ ՏՈՒՔԸ` ՀԱՅՈՑ ՑԵՂԱՍՊԱՆՈՒԹՅԱՆ ՉՈՂԵՐԻ ՀԻՇՆԱՍԿԻՆ

(Սկզբը` 1-ին էջում)

Բարձրաստիճան պաշտոնյաները ծաղիկներ խոնարհեցին Ցեղասպանության զոհերի հիշատակը հավերժացնող անմար կրակի մոտ:

Մեծ Եղեռնի 107-րդ տարեկիցի կապակցությամբ հատուկ ուղերձներ հղեցին Հայաստանի նախագահ Վահագն

Խաչատուրյանն ու Հայաստանի վարչապետ Նիկոլ Փաշինյանը:

Իսկ նախօրեին՝ ապրիլի 23-ին, Երեւանի Հանրապետության հրապարակից մեկնարկեց եւ Ծիծեռնակաբերդի հուշահամալիրում եզրափակվեց ավանդական ջահերով երթը: Այն այս տարի կրում էր «Ձարթնի՛ր, լաո» խորագիրը:

Հայ ժողովրդի ծայրը լսելի դարձնելու եւ Հայոց Ցեղասպանության զոհերի հիշատակի ոգեկոչմանը նվիրված երթն ամեն տարվա նման ավարտվեց Ցեղասպանության անմեղ զոհերի հիշատակին ծաղիկներ խոնարհելով:

Ձահերով երթը հայ ժողովրդի պահանջատիրությունը խորհրդանշող ամենամյա միջոցառում է:

## ՀԱՅԱՍՏԱՆԻ ՆԱԽԱԳԱՐԸ ՀԱՆԴԻՊԵՑ ՏԱՆՆ ԿԻԼԻԿԻՈ ԿԱԹՈՂԻԿԵ ՀԱՅՈՑ ԿԱԹՈՂԻԿՈՍ-ՊԱՏՐԻԱՐԺԻՆ

Ապրիլի 28-ին Հայաստանի նախագահ Վահագն Խաչատուրյանը ընդունեց Տանն Կիլիկիո Կաթողիկե Հայոց Կաթողիկոս-Պատրիարք Ամենապատիվ եւ Գերեջանիկ Տեր Ռաֆայել Պետրոս Մինասյանին:

Հանդիպմանը Տեր Ռաֆայել Պետրոս Մինասյանը շնորհավորեց Վահագն Խաչատուրյանին նախագահի պաշտոնը ստանձնելու կապակցությամբ եւ մաղթեց արդյունավետ աշխատանք:

Հայաստանի նախագահը բարձր գնահատեց Հայ Կաթողիկե եկեղեցու դերը՝ հատկապես ազգի ինքնության պահպանման գործում:

- Ձեր գործը մեծ նշանակություն ունի մեր ժողովրդի համար: Այն պատմականորեն միշտ մեկ նպատակ է հետապնդել՝ մեր տեսակը պահել, մեր ժողովր-

դին օգնել դժվարություններից դուրս գալ,- ասել է նախագահ Խաչատուրյանը:

Տանն Կիլիկիո Կաթողիկե Հայոց Կաթողիկոս-Պատրիարքը, համակարծիք լինելով նախագահի հետ, նշեց, որ միայն համատեղ ջանքերով եւ միմյանց օգնելով է հնարավոր եղել առաջ շարժվել:

Հանդիպմանն անդրադարձ կատարվեց ազգային-եկեղեցական հարցերին, ինչպես նաեւ Սփյուռ-



բում մեր եկեղեցու դերի ու նշանակության կարեւորությամբ:

## ՓՈՓՈԽՈՒԹՅՈՒՆՆԵՐ` ՀԱՅԱՍՏԱՆ ՄՈՒՏՔ ԳՈՐԾԵԼՈՒ ԿԱՆՈՆԱԿԱՐԳՈՒՄ

Մայիսի 1-ից Հայաստան մուտք գործող քաղաքացիներից PCR թեստի բացասական պատասխան կամ պատվաստման հավաստագիր չի պահանջվի: Փոփոխությունը կվերաբերի ինչպես Հայաստանի, այնպես էլ՝ օտարերկրյա, այդ թվում՝ նաեւ Վրաստանի քաղաքացիներին:

Վրաստան մուտք գործելիս՝ Վրաստանի քաղաքացիներից եւս կորոնավիրուսի թեստի բացասական պատաս-

խան կամ պատվաստումը հաստատող փաստաթուղթ չի պահանջվում:

Վրաստան մուտք գործե-

լիս՝ Հայաստանի քաղաքացին պարտավոր է ներկայացնել 72 ժամ վավերության PCR թեստի բացասական պատասխան կամ պատվաստումը հաստատող փաստաթուղթ (պատվաստված անձանցից լրացուցիչ թեստ չի պահանջվի):

Նշենք, որ Հայաստանի Հանրապետությունից ցամա-

քային ճանապարհով Վրաստան եւ հակառակ ուղղությամբ կարող են մուտք գործել Բագրատաշեն-Սադախլու եւ Բավրա-Նիոնոմինդա սահմանային անցակետերով: Սահմանային անցակետերը գործում են ամեն օր՝ շուրջօրյա աշխատանքային ռեժիմով:

## ԱՌԱՋԻՆ ԴԵՂԱԶԱՓՈՎ ՊԱՏՎԱՍՏՎԵԼ Է ՔԱՂԱՔԱՑԻՆԵՐԻ 50, ԻՍԿ ԵՐԿՐՈՐԴ ԴԵՂԱԶԱՓՈՎ` 44,1 ՏՈԿՈՍԸ

Հայաստանում պատվաստման առաջին դեղաչափ է ստացել քաղաքացիների 50 տոկոսը, ամբողջական պատվաստում են ստացել մեծահասակ քաղաքացիների 44,1 տոկոսը:

Այս մասին Հայաստանի կառավարության նիստին ասաց երկրի առողջապահության նախարար Անահիտ Ավանեսյանը՝ հավելելով, որ մոտ 50 հազար քաղաքացի ստացել է բուստեր դեղաչափը:

Նրա խոսքով, պատվաստումները հիվանդության բեռը նվազեցնելու

առումով շատ կարեւոր դեր են խաղացել ամբողջ աշխարհում:

- Անկախ սահմանափակումների թուլացումից, մենք շարունակելու ենք բոլոր հնարավոր միջոցներով պատվաստումների խթանումը: Դրանք շարունակելու են հասանելի լինել պոլիկլինիկաներում, շարժական կե-

տերում, տնային այցերի ձեւով: Վերջին մեկ շաբաթվա ընթացքում անգամ պատվաստումների ցուցանիշների մի փոքր աճ ունենք,- ընդգծեց նախարարը:

Հայաստանի վարչապետ Նիկոլ Փաշինյանը կոչ արեց չթուլացնել զգոնությունը, քանի որ հենց այսօր Չինաստանում կան քաղաքներ, որոնք ապրում են լոքդաունի պայմաններում, եւ ոչ ոք չի կարող ասել, թե հաջորդ պահին ինչ տեղի կունենա:

## ՏՆՏԵՍԱԿԱՆ ԱԿՏԻՎՈՒԹՅԱՆ ՑՈՒՑԱՆԻՇՆ ԿԱԶՄԵԼ Է 9,6 ՏՈԿՈՍ

Հայաստանի վիճակագրական կոմիտեի տվյալներով, Հայաստանի տնտեսական ակտիվության ցուցանիշը 2022 թվականի հունվար-մարտին 9,6 տոկոսով ավելացել է, նախորդ տարվա հունվար-մարտի նկատմամբ:

Արդյունաբերական արտադրանքի ծավալն այս տարվա հունվար-մարտին, նա-

խորդ տարվա հունվար-մարտի համեմատ, ավելացել է 3,1 տոկոսով:

Գյուղատնտեսական համախառն ներքին արտադրանքի ծավալը այս տարվա հունվար-մարտին, նախորդ տարվա նույն ժամանակի համեմատ, նվազել է 5,4 տոկոսով:

Շինարարության ծավալը

2022-ի հունվար-մարտին, նախորդ տարվա նույն ժամանակի համեմատ, ավելացել է 6,2 տոկոսով:

Առևտրի շրջանառությունում հունվար-մարտին, 2021-ի մարտի նկատմամբ, ավելացումը կազմել է 7,6 տոկոս:

## ԳԱԶԻ ԱՐՏՈՆՅԱԼ ԳՆԱԳՈՅԱՑՈՒՄ` ՀԱՅԱՍՏԱՆԻ ՀԱՄԱՐ

Հայաստանի վարչապետ Նիկոլ Փաշինյանի՝ ՌԴ պաշտոնական այցի ընթացքում պայմանավորվածություն է ձեռք բերվել պահպանել Հայաստանի համար գազի արտոնյալ գնագոյացումը:

Այդ մասին հայտարարեց Ռուսաստանի ԱԳՆ ԱՊՀ երկրների չորրորդ դեպարտամենտի տնօրեն Դենիս Գոնչարը:

- ՀՀ վարչապետի այցի շրջանակում, ստորագրվել է փաստաթղթերի պատկառելի փաթեթ, այդ թվում՝ էներգետի-

կայի ոլորտում համագործակցության վերաբերյալ: Ռուսական եւ հայկական համապատասխան գերատեսչություններն արդեն ձեռնամուխ են եղել պայմանավորվածությունների իրականացմանը: Պայմանավորվել ենք մեր հայ բարեկամների համար պահպանել գա-

զի արտոնյալ գնագոյացումը,- ասաց Գոնչարը:

Ռուսաստանի ԱԳՆ-ի ԱՊՀ երկրների չորրորդ դեպարտամենտի տնօրենի խոսքով, «Գազարոմ Արմենիա»-ն ծածկում է «երկնագույն վառելիքի»՝ երկրի պահանջարկի 80 տոկոսը:

- Հանրապետության տնտեսության մեջ «Գազարոմ»-ի գծով ներդրումների ծավալը գերազանցում է 800 միլիոն դոլար,- հավելել է Գոնչարը:

### ՀԱՅԱՍՏԱՆԻ ԱԳ ՆԱԽԱՐԱՐԸ ՀԵԳԿԱՍՏԱՆՈՒՄ



Հայաստանի արտաքին գործերի նախարար Արարատ Միրզոյանը, Նյու Դելիում «Ռայսինայի երկխոսություն» համաժողովին մասնակցելու համար, աշխատանքային այցով գտնվում էր Հնդկաստանում: Այցի շրջանակներում, ապրիլի 26-ին նա հանդիպում ունեցավ Հնդկաստանի վարչապետ Նարենդրա Մոդիի հետ:

Հանդիպմանը քննարկվեցին ժամանակակից աշխարհի տարբեր մարտահրավերների հաղթահարման ուղիները եւ այդ առումով համագործակցության հնարավորությունները:

Հանդիպման ընթացքում Արարատ Միրզոյանը Նարենդրա Մոդիի հետ զրույց է ունեցել նաեւ հայ-հնդկական հարաբերությունների մասին:

### ՀԱՄԱԶԱՅՆՈՒԹՅՈՒՆ` ՍԱՀՄԱՆԱԶԱՍՏԱՆ ՀԱՆՁՆԱԾՈՂՈՎԻ ԿԱՌԱՅՈՒՄՆԵՐ ԸՆԴՈՒՄԸ

Հայաստանի արտաքին գործերի նախարար Արարատ Միրզոյանը հեռախոսազրույց է ունեցել Ադրբեջանի արտաքին գործերի նախարար Ջեյհուն Բայրամովի հետ: Նախարարները մտքեր են փոխանակել երկու երկրների առաջնորդների մակարդակով չեռք բերված պայմանավորվածությունների կատարման շուրջ:

Կողմերը համաձայնության են եկել սահմանազատման եւ սահմանային անվտանգության հանձնաժողովի կառուցվածքի շուրջ: Պայմանավորվածություն է չեռք բերվել առաջիկայում սահմանազատման եւ սահմանային անվտանգության հանձնաժողովի վերաբերյալ հանդիպում անցկացնել:

Կողմերը քննարկել են նաեւ հումանիտար խնդիրների լուծման, ինչպես նաեւ խաղաղ բանակցությունների նախապատրաստման հետ կապված հարցեր:

### ՀԱՅԿԱԿԱՆ ԳԻՆԻՆԵ` ԿՈՒՅՐ ՀԱՄՏԵՐ ՄՐՅՈՒՅՐԵՆ

Երեւանում հայկական գինիների կույր համադես-մրցույթին մասնակցել են 43 հայկական գինեգործական ընկերություններ, որոնք ներկայացրել են իրենց գինիների 147 տեսակ:

Համադես-մրցույթը կազմակերպել է Հայաստանի խաղողագործության եւ գինեգործության հիմնադրամը, Գերմանիայի միջազգային համագործակցության ընկերության (GIZ) աջակցությամբ:

Մրցույթի նպատակն է մշակել հայկական գինիների որակի սպուգման մեխանիզմներ, որոնց գործարկումը հնարավորություն կտա սահմանել որակական նոր չափանիշներ հայկական արտադրության բարձրորակ գինիների համար:

«Հայաստանի գինիներ» կույր-համադես երկօրյա մրցույթի ընթացքում 30 հոգույց բաղկացած համադեսող-գնահատողների հանձնաժողովը կիրականացնի փակ համադես, որի ընթացքում լավագույն հայկական գինիները, որոնք կհաղթահարեն անյողիկ 85 եւ ավելի միավորի շեմը, կստանան «Հայաստանի գինիներ» (Wines of Armenia) որակի հավաստման փաթեթ-րանշանը եւ կներկայացվեն եվրոպայում գործարկված [www.winesofarmenia.store](http://www.winesofarmenia.store) հայկական գինիների առցանց վաճառքի միասնական հարթակում:



ՂԱԶԱՐՈՍ ԱՂԱՅԱՆ - 182



### ԲՈՒՆԻՍ-ԽԱՉԵՆՈՒՄ ԱՂԱՅԱՆԿԱՆ ՕՐԸ, ՄԱՅԻՍԻ 1-Ի ՓՈԽԱՐԵՆ, ԿԱՆՉԿԱՅՎԻ ՄԱՅԻՍԻ 7-ԻՆ

Թերթի նախորդ համարում հաղորդել էինք, որ ԲուՆԻՍի մունիցիպալիտետի ԲուՆԻՍ-Խաչեն գյուղում Ղազարոս Աղայանին

նվիրված ավանդական տոնը անցկացվելու էր մայիսի 1-ին, թեև տեղական իշխանությունների խնդրանքով, ավանդական տոնի անցկացումը հետաձգվել է եւ կանցկացվի շաբաթ օրը, մայիսի 7-ին:

ՀԱՅՏԱՐԱՐՈՒԹՅՈՒՆ

### «B» ԵՎ «BE» ԿԱՏԵԳՈՐԻԱՆԵՐԻ ՎԱՐՈՐԴԱԿԱՆ ԻՐԱՎՈՒՆՔԻ ԳՈՐԾՆԱԿԱՆ ՔՆՆՈՒԹՅՈՒՆԸ՝ ԵՐԿՈՒ ՓՈՒԼՈՎ

**B եւ BE կատեգորիաների վարորդական իրավունքի քննության գործնական մասը դարձել է երկփուլ:**

Վրաստանի ներքին գործերի նախարարության սպասարկման գործակալությունը՝ ի կատարումն էվրամիության հետ Ասոցացման համաձայնագրով ստանձնած պարտավորությունների, Վրաստանի «Երթևեկության մասին» օրենքում կատարված փոփոխությունների համաձայն, 2022 թվականի ապրիլի 26-ից B եւ BE կատեգորիաների տրանսպորտային միջոցների ընդունելության թեստի գործնական մասը դարձրեց երկփուլ:

Տրանսպորտային միջոցներ վարելու իրավունք ձեռք բերել ցանկացողները նոր չափորոշիչով գործնական թեստը կարող են հանձնել ՆԳ նախարարության սպասարկման գործակալության ինը կառուցվածքային ստորաբաժանումներում:

Գործնական քննության երկրորդ փուլը կանցկացվի Վրաստանի ներքին գործերի նախարարի հրամանով հաստատված քննական երթուղիներին համապատասխան: Յուրաքանչյուր քննական ծառայության համար մշակվել են մի քանի քննական ուղիներ:

Փոփոխությունների համաձայն, գործնական թեստավորման առաջին փուլը կանցկացվի փակ դաշտում, իսկ երկրորդ փուլը՝ իրական երթևեկության պայմաններում:

Գերատեսչության տվյալներով, վարորդական իրավունքի թեկնածուները իրավունք ունենալու հաջողությամբ անցնելուց հետո, 365 օրացուցային օրվա ընթացքում, անցնել գործնական քննության երկրորդ փուլը: Բացի այդ, շահագրգիռ անձը գործնական քննության երկրորդ փուլ կընդունվի առաջին փուլը հաջողությամբ անցնելուց ոչ շուտ, քան 15 օր հետո: Վարորդի թեկնածուն կկարողանա



նաեւ օգտվել արագացված ծառայությունից, որի արժեքը սահմանվել է 160 լարի, իսկ առաջին փուլը հաջողությամբ անցնելու դեպքում, 15 օր շուտ դուրս կգա երկրորդ փուլից:

ՆԳՆ-ից հայտնում են, որ գործնական քննության երկրորդ փուլը անցնելու համար անհրաժեշտ է, որ շահագրգիռ անձը հերթագրվի: Հերթեր կարելի է ամրագրել գործակալության կառուցվածքային ստորաբաժանումն մեջ, ինչպես նաեւ գործակալության կայքի, բջջային հավելվածի կամ արագ վճարման տերմինալի միջոցով: Վարորդական թեկնածուն պարտավոր է գործնական քննության երկրորդ փուլին ներկայանալ հերթերի ամրագրմամբ նախատեսված ժամից 15 րոպե առաջ:

Համաձայն ներքին գործերի նախարարության տարածած հաղորդագրության, վարորդը պետք է մոտ 17 կմ ճանապարհի անցնի 25 րոպեում՝ պահպանելով ճանապարհային երթևեկության կանոնները:

Նշենք, որ իրական պայմաններում վարորդական իրավունքի քննություն հանձնելը կլինի վճարովի: Վճարը կկազմի 90 լարի:

ԲԻՇԱՏԱԿԻ ԽՈՍՔ

### ՄԱՔՍԻՄ ՎԱՅԱԳԻ ԱՐԶՈՒՄԱՆՅԱՆ

Նինոծմինդայի հասարակությունը մեծ կորուստ կրեց. երկրային կյանքին հրաժեշտ տվեց 92-ամյա Մաքսիմ Վահագի Արզումանյանը: Դեպքը, ցավոք, տեղի ունեցավ սիրասուն կնոջ մահվանից հաշված օրեր անց: Մաքսիմ Արզումանյանը ծնվել էր Նինոծմինդայի (նախկինում՝ Բոգդանովկա) շրջանի Խոջաբեկ գյուղում: Ծննդավայր Խոջաբեկի միջնակարգ դպրոցի, ապա՝ Երեւանի Բրյուսովի անվան մանկավարժական ինստիտուտի, հետագայում եւ Բաքվի Բարձրագույն Կուսակցական դպրոցի շրջանավարտ էր:



Դեռեւս դպրոցական հասակից, աշխատանքի էր անցել շրջանային թերթի տպարանում նախ՝ որպես մամակատար ու գրաշար: Այնուհետեւ աշխատել էր նույն թերթի խմբագրությունում՝ որպես բաժնի վարիչ, պատասխանատու քարտուղար եւ խմբագրի տեղակալ: Հետագայում ընտրվել էր Կոմերիտշրջկոմի առաջին քարտուղար:

Որպես տեսուչ՝ աշխատել է Ախալքալաքի շրջանի ժողկրթբաժնում, բաժնի վարիչ՝ Բոգդանովկայի կուսշրջկոմում, քարտուղար՝ շրջխորհրդի գործկոմում: Երկար տարիներ կարի-տրիկոտաժի ֆաբրիկայի, այնուհետեւ՝ պրոֆտեխնոստանդարտի տնօրենն էր: ԽՍՀՄ-ի փլուզումից հետո, աշխատել է Երեւանի «Պրոգրես» տնտեսաիրավագիտական համալսարանի Նինոծմինդայի կոնսուլտկետում՝ որպես ուսումնական բաժնի վարիչ:

Աշխատանքային գործունեությունը ավարտելուց հետո, արդեն ութսունն անց հասակում, լույս էր ընծայել իր երկու գրքերը՝ «Նինոծմինդայի (Բոգդանովկայի) շրջանը» եւ «Իրադարձություններ» ոչ միշտ ուրախ», որոնց մեջ նկարագրվում են շրջանի եւ Խոջաբեկ գյուղի կյանքի խորհրդային տարիների առանձին դրվագներ: Գրքերն ընդգրկում են ծավալուն վիճակագրական տեղեկություններ շրջանի մասին:

Մաքսիմ Արզումանյանը մեծ հեղինակություն էր վայելում շրջանի հասարակության համար: Ուշադիր եւ զգայուն էր բոլորի հանդեպ, նաեւ ազնիվ էր ու սկզբունքային: Բոլոր իրեն դիմողներին օգնում էր ամենայն պատրաստակամությամբ ու սիրով: Պատկառելի տարիքը երբեք չէր խանգարում նրան երիտասարդների ավագույն ընկերն ու խորհրդատուն դառնալու համար:

Լույս իջնի շիրմիդ, սիրելի Մաքսիմ:

Գործընկերներ, հարազատներ

|    |    |    |    |    |    |    |    |    |    |
|----|----|----|----|----|----|----|----|----|----|
| 1  | 2  | 3  |    |    | 4  | 5  | 6  |    | 7  |
|    |    |    |    | 8  |    |    |    |    |    |
|    | 9  |    |    |    | 10 |    | 11 |    |    |
|    |    |    |    |    |    | 12 |    | 13 |    |
|    | 14 | 15 | 16 |    | 17 |    |    |    |    |
|    | 18 |    |    |    |    |    |    |    |    |
|    |    |    |    | 19 |    | 20 | 21 | 22 | 23 |
| 24 |    |    |    |    | 25 | 26 |    |    |    |
|    |    |    |    |    | 27 |    |    | 28 |    |
|    |    |    |    | 29 | 30 |    |    |    |    |
|    | 31 |    |    | 32 | 33 |    |    | 34 | 35 |
| 36 |    |    |    | 37 |    |    | 38 | 39 |    |
|    |    |    | 40 |    |    | 41 |    | 42 |    |
|    |    |    |    |    | 43 |    |    |    |    |
| 44 |    |    |    | 45 |    |    | 46 |    |    |
|    |    |    | 47 |    |    | 48 |    |    |    |
|    | 49 | 50 | 51 |    |    |    | 52 |    |    |
| 53 |    |    |    | 54 |    |    |    |    |    |



**ՀՈՐԻԶՈՆԱԿԱՆ.** 1.Պետություն Աֆրիկայում: 4.Վրաց հայտնի գրող Շոթա Ռուսթավելու գրական հերոսուհի: 8.Դաշտային գեղեցիկ ծաղիկ: 9.ԱՄՆ Կոնգրեսի հայկական հարցերով հանձնախմբի փոխնախագահ, կոնգրեսական ... Հիֆ: 11.Ցուցական դերանուն: 12.Հանրահայտ դերասանուհի ... Թուխմանյան: 14.Դրախտ: 17.Բանկային համակարգ Հայաստանում: 18.Մեծ վիպասան Րաֆֆու գրական հերոսուհի: 19.Պետրոս Դուրյանի բանաստեղծություններից: 21.Բրազիլացի պրոֆեսիոնալ ֆուտբոլիստ: 24.Վրացական համեմունք: 25.Ալ.Շիրվանզադեի ստեղծագործություններից: 27.Հարավաֆրիկյան պետություն: 28.... Աստված: 30.Մա..., սե...: 31.«Ա՛խ, դու ..., հիմար ...» («Չարի վերջը»): 32.Հայաստանի ժողովրդական նկարիչ Հրանտ Թադևոսյանի կեղծանունը: 34.Մաշտոցյան այբուբենի գինվոր: 36.«Հո՛ւ արա ..., ախպեր ջան» (ժող. երգ): 37.Քավորի մկրտածը: 38.Դեմքի մաս: 40.Կավե ջրաման: 41.Լճ..., սոխ..., բար...: 42.Բակլազգի միանյա բույս: 43.Ստանբուլում լույս ընծայվող հայկական թերթ: 44.Լիճ Ասիայում, որին մեծության պատճառով ծով են անվանում: 46.Շառլ Ազնավուրի դուստրերից: 47.Կետադրական նշան: 49.Խաղաթուղթ: 52.Ընտանի թռչուն: 53.Վրաց երգչուհի ... Բրեգվաձե: 54.Բանջարանցային բույս:

**ՈՐԿՈՆԱԿԱՆ.** 1.Հայ մեծ նկարիչ: 2.Նորվեգացի բեռնախույզ, գիտնական, դիվանագետ Ֆրիտյոֆ ...: 3.Հայ գրող ... Մահարի: 5.Բուլղիս-Խաչենում ծնված հայ մեծ հեքիաթագիրը: 6.Թատրոնի եւ կինոյի հայտնի դերասանուհի Գալյա ...: 7.«Վրաստան» թերթի նախկին թղթակից, երեսմաքմակ, լուսահոգի Լեւոն ...: 10.Տնային ոտնաման: 13.Շար..., բեր..., վեր...: 15.Ախալքալաքիում ծնված հայ մեծ գրող Դեմիրճյան: 16.«Սասնա ծռեր» էպոսի հերոս: 20.Համադասական շաղկապ: 21.Բեմի ետնամաս: 22.Մեծ մայրցամաք: 23.Հայոց խելացի արքա: 24.Վրաստանի առողջապահության նախկին նախարարը: 26.Աֆրիկյան պետություն: 29.Հայկական զովացուցիչ ըմպելիք: 31.Արեւադարձային միդի: 32.Շատ խիտ, ծառաշատ տարածք: 33.Մարմնի մաս: 35.Մուրացանի գրական հերոսուհի: 37.Ցուցական դերանուն: 39.Ժամանակի միավոր: 40.Երգիչ, շոունեն, դերասան ... Աղախանյան: 43.Հովի.Թումանյանի գրական Բազազ հերոսը: 45.Մաշտոցյան այբուբենի գինվոր: 48.Հուլիոս Կեսար՝ «..., տեսա, հաղթեցի»: 49.Սա, ..., նա: 50.Ժխտական նախածանց: 51.Անորոշ դերանուն: 52.Յոթերորդ ծայնամիջը:

Կազմեց ԱՆՆԱ ՍԱՐԻԲԵԿՅԱՆԸ

### ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

**ՀՈՐԻԶՈՆԱԿԱՆ.** 6.Պնդուկ: 8.Ագարա: 10.Սուրճ: 11.Ցար: 13.Գուսան: 14.Աղիդաս: 16.Կճուճ: 17.Ռուս: 19.Ճահիճ: 21.Նինո: 22.Կար: 23.Գալլ: 27.Նավթ: 29.Գավառ: 32.Գնա: 33.Բրա: 35.Ռասա: 36.Ցորեն: 37.Քնար: 39.Էքս: 42.Կտավ: 44.Պատանի: 46.Հարդ: 49.Ջահ: 50.Նոտա: 53.Կասա: 54.Բայ: 55.Սեն: 56.Սանը: 57.Քար: 58.Կոնգ: 59.Ոսպ: 60.Տիկ: 61.Խաղ:

**ՈՐԿՈՆԱԿԱՆ.** 1.Ընդունակ: 2.Ճկուն: 3.Գաճաճ: 4.Կավիճ: 5.Բացառիկ: 7.Ուսադիր: 9.Ուր: 12.Ասուն: 15.Դուրյան: 18.Սոխ: 20.Հավալ: 24.Անգիր: 25.Լվացք: 26.Կռան: 28.Տրե: 30.Առք: 31.Աք: 33.Բրուս: 34.Անիվ: 38.Առաջ: 40.Սիրան: 41.Մահարի: 42.Կին: 43.Անտենա: 45.Տաքատ: 47.Ակա: 48.Դարս: 51.Ոսոխ: 52.Անգղ:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեւավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԺԾԸՆԵՈ 0105, ՃԱՄԵՐՃԵՄՈՆ ՄՅՅԵ 5, ՄԵՐ ԽԱՍՏԵՆ ԹԵԽԻԿԻ 0105 Գ.Աթոնելի փ. 5  
ԹՅՅԸ. Հեռ. 2990-739, 2990-774  
www.vrastan.ge E-mail: vrastan.press@gmail.com  
Գրանցման վկայական № 4 Կ - 1439  
«ԿՈՆՈՐ» հրատարակչություն

«ՅՐԱՆԵՅՈՆ»  
ՄԺԾԸՆԵՈ, ՆԱՅՅԵՄՃԵՄՈՆ  
«ВРАСТАН»  
Тбилиси, Грузия  
«VRASTAN»  
Georgia, Tbilisi  
Индекс 66445